

homo valde aestimatus a Deo; unus ille fuit inter natos mulierum; sapientissimus inter sapientiores; peritissimus consiliarius, a quo regenda erat in omnibus Sacra Familia; ipse debebat praeesset augustæ domui Nazaret; ipse, ad eius imperium populi omnes parere debebant; ille, cui obediebant semper Maria et etiam Jesus; ille demum fuit princeps, ut ita dicam Mariæ et Jesu, cunctorumque suorum honorum. Iure igitur ait Ecclesia, illi tribuens personam Josephi Ægyptii; Numquid sapientiozem et consimilem sibi invenire potero? Tu eris super domum meam, et ad oris tui imperium cunctus populus tibi obediet, et constituit eum dominum domus suæ et principem omnis possessionis suæ? Quam hæc perspicua actio sit quædam ex multis, quæ castissimum Mariæ virum constitutum, pronum est inferre illum sine macula originali fuisse conceptum

Nos hæc sublimia, &c.

R Deo gratias.

R Montes et colles cantabunt coram Deo laudem et omnia ligna silvarum plaudent manibus,* quoniam venit Dominus S. Joseph et fecit virtutem, salvando homines et mulieres sui sancti Instituti. ¶ Hac de causa ponetur in eo murus et antemurale nostrarum regularum. Quoniam venit....

DIA 23 DE FEBRERO.

LECTIO I.

—EX PATRIBUS.—

Decuit beatissimam Virginem desponsare: et alto Dei consilio Joseph tradita est et non alio viro; propter ipsum Christum, ne ab infidelibus tanquam illegitime natus abjiceretur.—*Amb.*—Ad tutelam pueri

nati, ne diabolus contra eum vehementius nocumta procurasset, et partus ejus diabolo celaretur.—*Ign.*—Ut per matrimonium virgo reddatur immunis à poena, et lapidaretur à Judiis tanquam adultera.—*Hier.*—Ne intemperatæ virginitatis adduraretur infamia, cui gravis alvus, corruptellæ videretur insigne præferre.—*Amb.*—Ut Jesu à Joseph ministerium exhiberetur.—*Hier.*—Ut ipsa virginis Matris magis credibilia redduntur, id est, fides Mariæ verbis magis asseritur et mendacii causa removetur.—*Amb.*—Sanctum Josephum vocari justum attendite propter omnium virtutum possessionem.—*Hier.*

Nos hæc sublimia, &c.

R Deo gratias.

R Post ite ad Joseph à Deo dictum, dicere nos revera possimus.* Nullus est qui salvus fiat, nisi per te bone Joseph. ¶ Nullus qui liberatur à morte æterna, nisi per te potentis in te Joseph. Nullus....

LECTIO II.

Inter lilia Mariæ et Josephi.

Sanctissima Virgo Maria tanquam vera Dei Mater, effulsit coram omnibus puritate adeo singulari, angelica et divina, ut fuerit nominata pulcherrimum liliu convalliu; D. Joseph etiam ab omnibus fidelibus purissimus vocatur, ipse enim divinus Spiritus adeo similem puritate Mariæ divinum Patri archam habet, ut ei quoque concessum fuerit quod vocaretur pulcherrimum liliu convalliu, ideoque in Canticis Canticorum dicitur Jesus pasci inter lilia Mariæ et Josephi. Et pari modo quo Maria in conceptione immaculata, candidior nive fuerit, eo quoque D. Joseph immaculatum fuisse perhibetur. Si autem ita non fuisse, quid triste ab eo sequeretur?

Satis sit dictu quod ille nullo modo esse potuisset album liliu, in cuius calce Jesus pascetur. At tamen, quanvis hac ratio omnino deceat dignitati Josephi, eam Sanctae Matris Ecclesiae iudicio submittimus quae ut pote magistra veritatis, omnia perfecte novit.

Nos haec sublimia, &c.

R Deo gratias.

R De profundis clamavimus ad te, Domine S. Joseph, et fiant aures tuae intendentes in nostras orationes *Illumina faciem tuam super nos filios tuos. ✠ Bonum est confiteri Domino Josepho et psallere nomini suo in saecula saeculi. Illumina faciem tuam....

LECTIO III.

Dominus S. Joseph est purissimus tamquam flos.

D. Joseph immaculatum a primo instanti suae conceptionis fortasse sustineri posse videtur eo quod in Sacris Paginis Sacra Familia Nazarena flori assimilatur. De Jesu Christo dicitur; Ego sum flos campi, quod ipse sit mysticus flos ortus ex purissimo Mariae sinu, manente semper virginitate. Virgo Maria etiam similis efficitur flori juxta haec verba Cantici Canticorum; In plateis sicut cinnamomum et balsamum aromatizans odorem dedi, quasi myrrha electa dedi suavitatem odoris. At D. Joseph similiter et absque dubio habetur veluti pretiosum liliu convallium in quo Jesus pascebatur, etiamque est purissimus flos ut loquitur Isaias dicens; Egredietur virga de radice Jesse et flos de radice eius ascendet. Et re quidem vera Sanctissimus Patriarcha est mundissimus flos Jesse de quo exurgit B. Virgo Maria genitrix Jesu. Sicut ergo Jesus fuit

in conceptione immaculatus, tamquam de Spiritu Sancto conceptus, et Maria conceptio intemerata, propter decorem dignitatemque Filii; eodem pariter modo D. Josephum, tam propter honorem dignitatemque Filii, quam ob decorem Matris immaculatum fuisse non dubitandum videtur.

Nos haec sublimia, &c.

R Deo gratias.

R Exurge, quare obdormio Domine Joseph? exurge, et ne repellas in finem; quare faciem tuam avertis et oblivisceris tribulationis nostrae? *Adhaesit in terra venter noster, adiuva nos et libera nos. ✠ Oblatum tibi, Domine Joseph, omnium filiorum tuorum sacrificium vivificet nos semper et muniat.— Adhaesit in terra....

DIA 24 DE FEBRERO.

LECTIO I.

—EX PATRIBUS.—

In Josepho exordium accepit civitas Dei: Deus non modo accepta sibi munera Joseph ostendit, sed etiam domum, verba, actus, mores, simplicitatem, prudentiam, exercitiumque ejus manuale, domum ejus sibi habitationem deligens et se ejus filium putari non effugiens.—*Amb*—Sciens Joseph Christum de Virgine nasciturum, et Mariam de semine David magnae sanctitatis et innocentiae, credidit illam fore; ideoque indignum se putavit ejus cohabitatione; unde nolebat eam traducere, ne cogeretur secum habitare; quod ut vere humilis omnino fugiebat.—*Orig*—De singulari amore beatae Virginis erga Joseph, ait; tu dicis Mariam Virginem non

Purissimae

permansisse; ego mihi plus vindico, etiam ipsum Joseph virginem fuisse per Mariam, ut ex virginali conjugio Virgo nasceretur. Josephum Virginem mansisse cum Maria qui Pater Domini meruit appellari.—*Hier.*

Nos hæc sublimia, &c.

R Deo gratias.

R Quis quæso Joseph exarcesse non crederet.* Cum Jesum contingebat, gestabat et brachiis suis portabat. ¶ Qui venerat ignem mittere in terram volens ut ardeat. Cum....

LECTIO II.

Concluditur ex nobilitate corporis et animæ.

Quoniam Sanctissimus Patriarcha nobis sese offert in Sacris Libris omnino seiunctus a coetu coeterorum mortalium propter egregiam suam nobilitatem, adeo ut concludere cogamur illi præcipue infuisse nobilitas gratiæ sanctificantis sublimiori gradu suæ altissimæ dignitati convenienti, et quum ex alia parte cognoscamus illum non vixisse vitam peccati actualis, recte inde inferre possumus ipsum ne in peccato originali unquam vixisse, ideoque eius conceptionem fuisse omnino puram immaculatamque et simillimam purissimæ eius Sponsæ. Et revera Joseph fuit nobilissimus tamquam ex stirpe David, Abraham et Natham, nobilissimus, quia erat oriundus a regibus, sacerdotibus et prophetis; nobilissimus propter eius dignitatem Sponsi Virginis Mariæ et Patris Jesu, Dei Filii; nobilissimus, quoniam omnia officia ardentissimæ charitatis exercuit erga Mariam et Jesum; et nobilissimus demum propter eminentissimam sanctitatem, qua in omnibus suis desideriis, cogitationibus,

verbis et operibus effulsit. Proinde hæc altiora dona privilegiaque aparte docent ipsum fuisse nobilissimum inter mortales non solum corporis splendore, sed etiam frequentiori fidei, spei et charitatis ceterarumque virtutum professione, ex quo dici vere potest ipsum propter animæ et corporis nobilitatem non alio modo effulgeræ, quam sol inter nitidissimas stellæ omnium sanctorum. Ex his dictis, num dicere fas sit hunc hominem ita sublimem, qui semper effulsit singularissima puritate, ardentissima charitate et ferventiori pietate potuisse a primo sui esse momento in foeditate peccati concipi?

Nos hæc sublimia, &c.

R Deo gratias.

R Montes et colles cantabunt coram Deo et omnia ligna silvarum plaudent manibus,* quoniam venit Dominus S. Joseph in hunc mundum sine labe originali conceptus. ¶ Ecce Dominus S. Joseph veniet cum magna virtute et illuminabit oculos filiorum suorum, ut sint puri in conspectu Dei. Quoniam....

LECTIO III.

Non est sicut unus ex ceteris.

Semper semperque miraculum habuimus veluti magnum argumentum ad probandam veritatem catholice religionis ceterarumque veritatum in hac prima et superiori veritate ab ipso Deo repositarum. Postquam magnas ærumnas, labores et calamitates passi simus, simulque videmus malum spiritum in cordibus filiarum et filiorum Sanctissimi Patriarchæ, nunc certe lætamur videntes omnia paulatim in bonum converti, omnesque protinus

in unitatis viam intrare, omnia hæc certe scimus esse opera Josephi cui vehementer præmissimus nos omnino dedituros eius obsequio scribentes, quo meliori modo possimus, ea omnia, quæ ad immaculatam eius conceptionem demonstrandam inseruiant; propterea affirmamus unquam dicturos illum non fuisse conceptum in peccato, dummodo iudicium Sanctæ Matris Ecclesiæ de hac re proferatur. Melius videtur juxta ipsius Ecclesiæ testimonium illum a communi hominum coetu separare, quoniam nec est, nec esse poterit tamquam unus ex nobis. Reponamus ergo cum inter Mariam et Jesum, quia ipse, qui est Pater debet uniri actioni modo Filio et Matri. Et, ut melius in bonum eius laboremus, conferamus ei textum Sapientiæ quod sic se habetur; O quam pulchra est casta generatio cum claritate! Immortalis est enim memoria illius quoniam et apud Deum nota est et apud homines. Hic autem modus procedendi in re hac conformior nobis videtur, maxime vero quum Maria sit regina coeli et terræ, quæ sedet a dextris Jesu; Astitit regina a dextris tuis in vestitu deaurato circumdata varietate; simili modo Joseph est felicissimus ipsius dominus et rex, qui omnem suam gloriam agnoscens inductus est pulchritudine, et concupiscet Rex decorem tuum.

Nos hæc sublimia, &c.

R Deo gratias.

R Fratres, quæcumque scripta sunt ad nostram doctrinam scripta sunt, ut per patientiam et veram interpretationem scripturarum* doctrinam, suo tempore sciamus, Dominum S. Josephum esse immaculatum profitentem. ¶ Reuera esse doctrinam do-

gmaticam Sanctæ Romanæ Ecclesiæ. Amen, amen amen. Doctrinam....

DIA 25 DE FEBRERO.

LECTIO I.

—EX PATRIBUS.—

Fuit enim Joseph et beatissimæ virginis societas, floridus et prorsus immaculatus affectus. Virginem namque beatissimam sanctitatis angelicæ habere, illam videre, cum illa morari, et cum eadem operari, illi convivere, et illi convivari astante Filio Dei.—*Hier.*—Numquid non erat Maritus Mariæ Joseph? Non inquit quis hoc dicit? Scriptura enim dicit, angelica auctoritate, quod maritus erat. Noli timere inquit accipere Mariam conjugem tuam: Ergo Joseph matrimonium de præsentibus cum Maria celebraverat, sine quo maritus non esset.—*Hier.*—Joseph futuræ uxoris omnia noverat: Joseph non erat maritus virginis per usum matrimonii.—*Hier.*—Christus non erat extraneus respectus Josephi ad quem pertinebat jure matrimonii; quamvis à sola Virgine generatus; et fuit multo conjunctior Josepho, ex ejus conjugis natus.—*Aug.*

Nos hæc sublimia, &c.

R Deo gratias.

R Nobis filiis immaculati Josephi necessaria est ejus intercessio.* Ut quod nostris meritis non valeamus. ¶ Ejus patrocinio consequamur, quia vigilantissimus Pater noster est. Ut....

LECTIO II.

Ex nobilitate gratiæ a Deo accepta.

Dominus S. Joseph fuit adeo nobilis propter in-

numerabiles gratias sibi a Deo condonatas, ut benedici possit ab æterno prima accepisse gratiam, scilicet, conceptionem sine originali macula, quae est veluti principium et fons ceterorum eius virtutum. Jesu Christus est auctor gratiæ, principium et finis omnium operum bonum, sanctorum conversatio, omnisque bonae cogitationis, quae veritas aperte docetur ab Apostolo, dicenti quod omnia accepimus a Jesu et de plenitudine eius omnes accepimus. Virgo Maria gratia quadam privilegioque est, ut ita dicam, alterum principium, de quo affluit gratia ad fideles: Spiritus autem divinus eam nobis praefert, tamquam mystica fons, de qua manant omnes gratiae in favorem omnium Christifidelium; sic etiam B. Joseph propter alias gratias et privilegia est altera fons, post Mariam, et qua similiter ruunt aquae gratiarum in nostram causam. Ideoque Sancta Mater Ecclesia, illum habens tamquam suum universalem protectorem, quoddammodo nobis dicere sint; Nulla gratia venit de coelo ad terram, nisi transeat per manus Josephi; et in eo ipso cum comparari potest illi luci effulgenti et mysteriosæ, quae nobis elucet inter tenebras peccati, juxta Isaiam dicentem; De te in lucem gentium. Ergo, quum tanta sit eius nobilitas, ratione gratiae, bene affirmare possumus illum umquam habuisse ignobilitatem culpae originalis.

Nos haec sublimia, &c.

*R. Deo gratias.

R. Per potentissimam protectionem Domini S. Josephi ad lumen redeunt coeci, mortui resurgunt, pauperes evangelizantur. *Dominus S. Joseph repleat nos filios suos omni gaudio et pace et virtute; ut

abundemus in gloria sempiterna. V. Dicite pusillanimes, confortamini. Dominus S. Joseph....

LECTIO III.

Ex Patrocinio S. Josephi.

His nostris diebus tantam calamitatem redolentibus adversum Catholicam Ecclesiam, quibus etiam temporibus videmus Petri scapulam fluctibus luctantem, et quamvis non possit ab illis obrui, multi autem fideles opprimuntur et pene omnes in hoc procellarum mare demerguntur, his, inquam, diebus confugit ad Josephum, suo eius potentissimum patrocinium sese reponens, et tum aperte omnibus patet divinum Mariae Sponsum quam maxime nititur ad nos omnes salvandos, et quotidie novimus suos illum amare tenerrima dilectione, eumque omnibus egentibus sua postulata concedere, redemptione, nimirum, captivo, infirmo salutem, tristibus solatium, peccatoribus veniam, fervorem negligenti- bus et justis perfectionem. Ex his possumus credere hunc virum tam plenum gratiarum in nostri causam, ipsum remanere ortatum gratia conceptionis intemeratae? Nobis siquidem videtur Deum omnipotentem, qui illum inter creaturas elegit ut illum unire Virgini, unione superiori omnibus, excepta tantum hypostatica, id ipsum fecisse a primo suae conceptionis instanti, cum creans omnino immaculatum, quodque sic egit ut ipse in omnibus tribulationibus, hisce praesertim temporibus, nobis succurreret suis abundantissimis gratiis privilegiisque suoque potentissimo patrocinio.

Nos haec sublimia, &c.

R. Deo gratias.

R. Ecce apparebit Sanctae Romanae Ecclesiae Do-

minus S. Joseph et cum eo gloriosus affectus suae sanctae protectionis, *tamquam Pater illius, de quo scriptum est; habebit in vestimento et in femore suo, Rex regum et Dominus dominantium. ¶ Apparebit in finem et non mentietur, et si moram fecerit, expecta eum, quia veniens veniet. Tamquam Pater....

DIA 26 DE FEBRERO.

LECTIO I.

—EX PATRIBUS.—

Maria illam Mater, virum etiam Joseph ille Pater ejus sicut conjux Matris ejus.—*Aug.*—Quare non per me, Josephum, generationes accenderent, vel descenderent? An dicitur Josepho quia non tu genuisti operi carnis tuae? Sed respondebit: Numquid et illa Maria, opere carnis suae peperit? Quod Spiritus Sanctus operatus est, utrisque operatus est; sed in eo sexu quem parere decebat, operatus est hoc quod etiam marito nasceretur.—*Aug.*—Sed cum Josepho non seminante, illa, Maria, peperisset profecto, nec ipsius formae servi ambo parentes esset, nisi inter se etiam sine carnis commixtione conjuges essent: Unde et series generationum asque ad Joseph perducenda, ne in illo conjugio virili sexui, utique potiori feret injuria.—*Aug.*—Non itaque propterea non fuit Pater Joseph, quia cum Matre Domini non concubuit; quasi uxorem libido faciat, et non charitas conjugalis.—*Aug.*

Nos hæc sublimia, &c.

R Deo gratias.

R Beatissimus Joseph in nomine Jesu petit cum pro nobis orat.*Et per Jesum impetrat pro nobis

illis suis omnia et singula. ¶ Quia á Deo obtinuit per merita sui Filii Jesu. Et....

LECTIO II.

Ex desponsatione B. V. Mariae cum S. Josepho.

Virgo Maria fuit unita Jesu arctiori vinculo Matris et Filii, illa enim novem mensibus fuit substantia Verbi substantiae, vita eius vitae, existentia suae ipsius existentiae, ex quibus infertur maiorem perfectionem neminem habuisse, juxta sententiam divini Spiritus ore Joannis docentis gratiam nobis esse á Jesu Christo, his verbis; Gratia per Jesum Christum facta est; qui merito nominatur auctor gratiae; sicut etiam Virgo beatissima habuit eximiam gratiam ex infinita ipsius dignitate proveniente. Quid ergo dicemus de gratia Josephi? Ipse fuit verus Mariae Sponsus; arctioribus vinculis sese ligavit Mariae et Jesu; tam illius Jesus se profitebatur quam Mariae; et eo magis Jesum possedit, quo fuit de Spiritu Sancto conceptus et traditus tum Mariae, tum Josepho. Itaque, ab hoc principio incipientes, asserere possumus omnem gratiae affluentiam, Mariae non destinatam, Deus Josepho concessit, qui vi divini hujus matrimonii fuit maxime proximus et Jesu et Mariae. Praeterea hisce nostris diebus, sub potentissimam eius tutelam sese reponens Ecclesia, omnem gratiam pro nobis illi fuisse concessam autumamus, cum dicitur; Nihil nos Deus habere voluit, quod per Josephi manus non transiret. Utrum ergo hunc hominem tam divinum, tamque gratia plenum in peccato fuisse conceptum amplius existimabimus?

Nos hæc sublimia, &c.

R Deo gratias.

R. Fratres, gaudete in Domino Josepho semper, iterum dico, gaudete, quia protectio ab hac die nota erit omnibus filiis suis.*Exibit Dominus Joseph, tamquam dominator mundi et pax erit in nostro sancto Instituto, dum venerit. ¶ Hac de causa loquetur pacem in gentibus nostris et potestas eius a mare usque ad mare in saecula saeculorum.—Exibit....

LECTIO III.

Non est sicut unus ex ceteris hominibus.

Nulli dubium est quin Joseph a Spiritu Sancto fuit electus ut cum coniugeret Mariae divino sacroque connubio, quod eo magis perfectum invenitur, quo illo minima reperiri potuit carnis corruptio, sed e contrario infinitus puritatis cumulus. Fuit igitur inter Mariam et Josephum maxima unio magraque similitudo, et antequam eos divinus sacro matrimonii vinculo coniunxisset, debuit Joseph habere dignissimus Mariae Sponsus, ideoque in corde suo omnem continere gratiam quae ei virginali Dei parenti decebat; propterea praeditus fuit a Domino gratiis singularibus purissimi Virginum coetus, innumerabilis confessorum multitudinis, invicta martyrum exercitus, cum omnibus gratiis prophetarum, patriarcharum et apostolorum, adeo ut sancti omnes omnesque angelici spiritus dicere possit suam omnem gratiam in D. Josepho contineri sed mirabiliter auctam juxta Ecclesiastici verba: In me omnis gratia vitae et veritatis, et in me omnes spes vitae et virtutis. Sic tanta Dei veritate, tanta Ecclesiae omniumque fidelium utilitate et aedificatione D. Joseph fuit nuncupatus protector Ecclesiae universae. Nunc vero, hic Joseph tantis exornatus

privilegiis caruisset penitus gratia illa protoparentibus Adamus et Heva concessa? Ibi autem, nullo peccato ab origine contracto, in matrimonio fuerunt coniuncti, Josephum vero et Mariam futuros parentes promissi Messiae probabile videtur fuisse ambos maculatos horribili originalis peccati immunditia? Dum Sancta suum de hac profert iudicium, libenter propugnavimus Josephum non absimiliter ac Maria fuisse conceptum sine originali labe, quamvis a Deo gratias inferiores acceperit.

Nos haec sublimia, &c.

R. Deo gratias.

R. Dominus S. Joseph, qui venturus es ad nostram salvationem, veniet et non tardabit, quoniam ipse est salvator noster.*Deponet omnes iniquitates nostras et proficiet in profundum maris omnia peccata nostra. ¶ Libera, o bone Joseph, populum tuum de manu potentiae omnium inimicorum nostrorum. Deponet....

DIA 27 DE FEBRERO.

LECTIO I.

—EX PATRIBUS.—

Deo vissum est ex conjugis Josephi filiorum dare eidem Joseph, naturaliter ex eo non genitum; nam id quod ex muliere quafiam absque stupro vel fornicatione progignitur, necessario viri et uxoris filius est; cujus modi ratione Deus dare vult filium citra copulationem.—*Just.*—Cum Evangelista narret, non ex concubitu Joseph, sed ex Maria Virgine natum Christum; unde Joseph Patrem ejus appellat, nisi quia et virum Mariae, recte intelligimus sine commixtione carnis, ipsa copulatione conjugii; et ob hoc

etiam Christi Patrem multo conjunctus, quia ex ejus conjugate natus sit.—*Aug.*—Per Sanctum Josephum, latuit principem hujus mundi Virginitas Mariæ et similiter mors Domini.—*Ign.*—Joseph Mariæ Sponsus: Jesus Josephi fabri lignarii filius: Et ipse Pater Jesu: Joseph cum Jesu faciebat aratra et juga.—*Justin.*

Nos hæc sublimia, &c.

R Deo gratias.

R Nos omnes filii Josephi omnia bona in ipso habemus.*Si indiges auxilio virtus est. † Si mortem times, vita est, si tænebras fugis, lux est; et si cœlum desideras via est. Si....

LECTIO II.

Ex decentia Mariæ et Jesu, aut paternitate virginali.

De Joseph vi eius divini conjugii perfectiorem habuit cum Jesu unionem, inferiorem tantummodo arctissimæ illi conjunctionem cum Virgine Matre, quia Joseph virginalis Jesu Pater perfectiori modo, excepta generatione carnali, quæ numquam esse potuit in Deo homine, qui erat nascendus e virginibus parentibus, et qui futurus erat divinus Virgo, a quo erat altissime efferenda humana virginitas. Præterea Adamus et Heva si felicissimo illo suæ innocentiae statu filios genuissent, hi certe, juxta D. Chrisostomum; sine parentum virginitates detrimento nati fuissent, quod sic fuisse opinamur, quia tum nec peccatum nec fomes peccati erant, nec etiam extitisset concupiscentia vel corruptio peccati, ideoque filiorum conceptio sine ullo parentum virginitatis detrimento. Si ita accidisset Adamo et Hevæ, qui fuere innocentes, quamvis postea in pecca-

tum fuerunt delapsi, cur id non fuisset concessum Mariæ et Josepho qui in gratia erat futuri parentes omnis humani generis, propter filium suum Jesum? Joseph ergo fuit virginalis Jesupater, proinde huius paternitas reposita ut sine originali labe fuerit conceptus pari modo quo fuit B. Virgo Maria.

Nos hæc sublimia, &c.

R Deo gratias.

R Descendet Dominus Joseph sicut pluvia in vellus super nos filios suos, et ab illo die orietur justitia et abundantia facis.*Et adorabunt eum omnes alumni eius, omnes gentes servient ei. † Veni, Domine Joseph, revoca dispersos in terram suam, ut salvos nos facias. Et adorabunt....

LECTIO III.

Ex paternitate virginali S. Josephi.

Virginalis D. Josephi paternitas erga Jesum Christum Dominum nostrum est tam vera quam eius divinum matrimonium, et quoniam hoc ipsum est absque dubio, quia in sacris Paginis et de eo mentio fit, sic etiam juxta ipsos hos libros realis apparet divina hæc paternitas. Ipse Chrisostomus animo raptus hac sublimiori doctrina miro modo Patri Dei decora, admiratione plenus dixit; O beate Joseph, tu es verus Pater Christi, excepta tantum carnali generatione; sic te proclamant Evangelistæ, sic te appellavit ipsa tua Sponsa dicens Jesu; Pater tuus et ego dolentes quærebamus te. Jure igitur pius Isolanus nobis considerandas tradit egregias Josephi prærogativas erga Jesum; Utique, ait, Joseph confabulatur Jesu, sicuti vero eius virginioque filio; et Jesus loquebatur cum Josepho virginali ipsius parenti. Inde concludemus Mariam ex opere divini

Spiritus concepissee Filium suum Jesum, sic similiter Josephum ex opere Spiritus Sancti ipsum genuisse in virginalibus visceribus suae immaculatae coniugis, Jesus quidem fuit verus divinusque huius coniugii fructus. Utrum ergo fieri potuerit Josephum in peccato originali fuisse conceptum? Dum Ecclesia Romana id melius non explicet iterum cum S. Bernardino de Bustos aiemus; Deus scit, Deus scit, Deus scit.

Nos hæc sublimia, &c.

R Deo gratias.

R Ecce Dominus S. Joseph, tamquam radix Jesse, descendet nostris temporibus in salutem populorum, quia ipsum omnes gentes deprecabuntur.* Juste et pie vivamus expectantes beatam spem et adventum protectoris omnis Ecclesiae universalis. ¶ Ostende nobis misericordiam tuam et salutare tuum da nobis. Juste et pie....

DIA 28 DE FEBRERO.

LECTIO I.

—EX PATRIBUS.—

Josephum virginem fuisse per Mariam ut ex virginali conjugio Virgo Filus nasceretur.—*Hier.*—Joseph vero contra legem agere non poterat, quia justus erat et Deum in omnibus offendere timebat.—*Euseb.*—Quid enim præclarius, quid excellentius de Josepho ad illius de præcanda encomia de promi potest, quam eum esse Genitricis virum, Christi que Patrem? His enim prærogativis tanquam duabus basibus innititur tota magnitudinis et excellentiæ Josephi machina.—*Hier.*—Ut quemadmodum justo Joseph deputaretur Mariæ in virginitate conjugium

ita venerabilis ejus ostenderetur in Jesu Matris virginitas.—*Hilar.*—Ait, Pater, quia solum hoc nomen Josepho reservabatur, tanquam ei proprium et speciale.—*Christ.*—Erat Joseph sic similis Christo, ut qui Joseph videbant, ipsum Christum cernere videbantur.—*Hug.*—Ideo divina dispensatione factus est, dum Christus divina perageret, numquam voluerit Joseph esse præsentem; ne homines putarent illum vere supra hominem esse.—*Hug.*

Nos hæc sublimia, &c.

R Deo gratias.

R Quanto fuit noster divinus Joseph tum in virtute, tum in excellentia.* Neque scribi, usque enarrare, neque fingere potest ¶ Quia Pater Jesu et Mariæ Sponsus revera est. Neque....

LECTIO II.

Ex admirabili similitudine cum eius Sponsa Maria.

Vera amicitia inter duas personas perfectam reposit cordium unionem, adeo ut iis iidem affectus eademque voluntas sit, maxime vero quum hæc amicitia habeatur inter coniuges, quæ quo magis est legitima, proximior eo esse debet. Nunc vero Joseph est dignissimus Mariæ maritus, perfectissimaque inter eos extitit cordium coniunctio, exinde infertur ipsos simillimos quoque fuisse in suis perfectionibus, quæ vero similitudo si aliquando deficiat nomine haberi potest hæc arctissima unio, ergo inferendum Mariæ perfectiones pares fuisse perfectionibus Josephi, et quum Maria fuerit in conceptione purissima et intemerata, conceptionem Josephi immaculatam esse similiter videtur quod si ita non sese haberet, maxima eis interfuisset dissimi-

litudo; et D. Joseph, nescio quid haberet horribile, monstruosum tamquam foetidum ut summam Virgini pœnam rederet mœstitiamque amarissimam Sanctissimo Patriarchæ. Ex dictis inferre licet Josephum pari modo ac Virgo Maria sine labe peccati fuisse conceptum, sed ita hoc fieret ut dum Joseph absque macula remaneret, B Virginem novis maximisque gratiis, privilegiis ac virtutibus ornata esse oportebat. . . .

Nos hæc sublimia, &c.

R Deo gratias.

R O admirabilis protectio Domini S. Josephi, tu ex ore Altissimi prodiisti, attingens a fine usque ad finem, suaviterque disponens omnia.*Veni ad docendum nos viam prudentiæ; veni ad redimendum nos in brachio extento; veni ad liberandum nos, iam noli tardare. ¶ Ecce iam veniet plenitudo temporis, in quo mittet Jesu Christus admirabilem protectionem Patris sui Josephi. Veni ad docendum. . . .

LECTIO III.

Cor Mariæ, cor Josephi.

Deus ab æterno elegit D. Josephum ut esset in tempore dignissimus Mariæ Virginis Sponsus; oportuit ergo ut etiam ditaret eius cor talibus gratiis, privilegiis, prærogativis et benedictionibus ut simile omnino evaderet purissimo cordi divinæ suæ consortis; quodque omne ita esse debuit ut inter utrumque coniugem perfectissima existeret cordium et affectuum unio; veritas enim est innegabilis quod Deus quos elegit ad aliquam dignitatem ea dignos facit juxta S. Dionysium dicentem; Dominus quos elegit dignos facit. Conferentes ergo hanc veritatem D. Josepho, inferre cogimur Deum illum fecisse dig-

num Mariæ Sponsum, quæ sane dignitas non ab alio exurgit quam a primo supremoque beneficio collato Sacræ Familiæ, scilicet, conceptione in gratia sanctificante. Sed, si minimo vel temporis spatio illum supponeremus in peccato existentem, inde vera resurgeret indignitas in Josepho, quia verum esset quod antequam esset Sponsus Mariæ, a malignanti spiritu possessus fuerat. Clarius luce videtur non esse supponendam in D. Josepho originis maculam, ergo illum declaremus immaculatum ut deceat illud cor Josephi et cor Mariæ.

Nos hæc sublimia, &c.

R Deo gratias.

R Veni, potentissime Joseph, et educ de filiis tuis vinetum de domo carceris, sedentem in tenebris et umbra mortis.*Veni et illumina nos filios tuos sedentes in tenebris et in umbra mortis. ¶ Veni et salva filios tuos qui de limo terræ formati sunt; veni ad salvandum nos, Domine S. Joseph. Veni et illumina. . . .

DIA 29 DE FEBRERO.

LECTIO I.

—EX PATRIBUS.—

Vocabis, ait Josepho, nomen ejus Jesum; et nomen imponere Majestatis ac dominii est.—*Joan. Dam.*—Sancti Josephi imago est virtutum et sanctimoniae floribus cumulate locupletis.—*Picinelli.*—Movel unus utrumque nempe, Sanctus Patriarcha Joseph dum precum suarum efficacia Virginem Sponsam permovit, simul etiam iratum Deum ad misericordiae significandæ motum compulit.—*Picinelli.*